

Michael Williams

Nel splica Merca ken di MEP ta tene man cu Noord Korea

Y cuanto cocktail party boso a tene cu nan na Cuba

ORANJESTAD (AAN) For di señor Michael Williams kende ta candidato number 5 riba lista di OLA y kende antes tabata campañador grandi di partido MEP, redaccion a haya e siguiente reaccion riba ultimo desaroyonan politico y mester remarca cu e reaccion di señor Williams ta contene informacionnan uno hopi pisa;

Relaciona cu informacionnan tendencioso cu ta wordo plama na Aruba via pamfletanan cayehero di MEP, e momento a yega cu pueblo mester haya sa un ke otro;

“Ultimo dianan mi a wordo acerca door di hopi votador cu tabata masha indigna cu e forma con MEP ta hibando campaña baho y vies contra tur politico cu no ta MEP”.

“Mi persona tambe ta un di esnan cu ta wordo lastra door di partido MEP den nan pamfleta cu mas bien ta un parha morto cu ningun hende kier na nan cas pasobra e ta hule bestia stinki di asuntonan baho y vil”.

“Mi ta manda e siguiente mensahe pa Nel Oduber, Dirk Dumfries, Phil Odor y consorcio, cu ora nan kier bin cu informacionnan tendencioso cu asuntonan baho y vil nan mester bin cu prueba y no lubida cu nan banda di medaya mester wordo saca na claridad di dia pa pueblo haya kico tabata tin tras di cortina”.

“Puntra Hendrik Croes boso ex ministro di husticia kende ta Michael Williams”.

“Splica pueblo ta kende di MEP tabata tene y posiblemente ainda ta tene man cu hendenan di Noord Korea!”

“Splica pueblo kico e dos funcionarionan di gobierno Stalinista (comunista extremo y peligroso cu ta buscando problemanan serio cu Merca!) di Noord Korea cada biaha tabata bin haci na Aruba y ta cu kende di MEP nan tabata haci negoshi”.

“Splica pueblo ki interes Noord Korea tin pa cada biaha dos funcionario di gobierno di Noord Korea ta viaha via Cuba pa Aruba”.

“Tin hopi mas informacion riba e caso ey, pero por lo pronto mi kier a laga e asunto ey te aki, pero mi a haya di entende cu ya caba gobierno Mericano cu ta bringando terrorismo rond mundo ta

buscando informacion riba e caso aki”.

“Dirk bo conoce Stanley Comvalius? E tambe ta di Dakota!”

“Dirk bo a lubida unda bo a bay keda na Hulanda?”

“E vergunning di brommer en cambio di un Harley Davidson; publica su nomber pa bisa pueblo ta kende e ta!”

“Botica; unda e keho oficial en cuestion di botica a keda ora cu placa di pueblo di Aruba tabata wordo horta door di trahamento di facturación dobel di botica di parti di esun liga ciegame na MEP y awor ta haci como si fuera via su radio emisora e por bay hunga e wega di Hudas cu ni e ni su gobierno ta corrupto?”

“Nel bo sa ta pa kende bo a pone e prome piedra despues di 90 dia di gobernacion, bin splica pueblo ta di con te awe e hoteley no ta cla ainda.”

Nel bin splica pueblo

despues cu boso a traha lista di extradicion y unda boso ta mara boso botonan?”

“Ta kende boso tabata duna privilegio den KIA despues cu el a wordo extradita y a bolbe Aruba”

“Be a man not a mouse, splica pueblo unda boso a haya placa pa campaña e eleccion pasa pasobra no ta boso a manda hende bay tira piedra sconde man na boso

radio emisora encunto placa sushi di un ‘cierto persona’; Ramon, Rudy, Dirk bisa cuanto placa boso a haya pa campaña di e ‘cierto persona’ ey; boso kier pa algun hende basha abao?”

“Unda Martin Ras y consorcio a keda pa traha file riba e asunto di Noord Korea y manda nan pa Seguridad Nacional di Aruba y Hulanda?”

Proyectil descubri na EPB San Nicolas


ORANJESTAD (AAN): Den fin di siman, un guardia cu ta encarga pa vigilancia na entre otro EPB San Nicolaas a descubri riba tereno di

school un proyectil di caliber 32.

Mesora a notifica polis di e descubrimiento aki. E bala a keda confisca.

TELEFONNAN DI DIARIO
582-6747- FAX 582-8551

AINDA TIN PA BAHÁ CONTAINER!!



BEST DEAL
PARADERA

BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)



Micro CD Home Stereo System SPECIAL